



OFFICIA NOVA
SANCTORUM.





Die 24 APRILIS

IN FESTO

S FIDELIS A SIGMARINGA,

Protomartyris,

Sac Congregationis de Propaganda Fide.

DUPLEX. *Omnia de Communi unius Martyris
prater sequentia.*

Oratio.

DEUS quī beatum Fidelem, Seraphico
Spiritus adore succensum, in verā Fidēi
propagatione martyrii palmā & gloriosis mira-
culis decorare dignatus es: ejus quæsumus me-
ritis, & intercessione, ita nos per gratiam tuam
in Fide & charitate confirma, ut in servitio tuo,
fideles usque ad mortem inveniri mereamur.
Per Dominum.

Lectiones 1 noct de Scriptura occurrente.

Leclio 4.

FIDELIS in Oppido Sueviæ Sigmarxinga, ex
honestā Reyorū familiā natus, ab ineunte
ætate, singularibus naturæ & gratiæ donis ornatus
præfulsit. Egregiam quippe sortitus indolem,
morūque optimā imbutus disciplinā, dum Fri-
burgi Philosophiæ & Juris utriusque lauream
emeruit, in schola etiam Christi ad perfectionis
apicem sedulo virtutum exercitio contendere
cepit. Nobilium exinde Virorum, varias Eu-
ropæ Provincias lustrantium comes adscitus, eos
ad Christianam pietatem sectandam, tam verbis,
quam operibus excitare non desistit. Quinim-

A 2

mò

mò in eodem itinere crebris austeritatibus desideria carnis mortificare, ac ita seipsum regere studuit, ut in tantâ rerum vicissitudine nullo unquam visus fuerit iræ motu perturbari. Juris prætereà & justitiæ strenuus propugnator, post reditum in Germaniam, celebrè sibi nomen acquisivit in Advocati munere, in quo tamen cum Fori pericula esset expertus, tutiorem æternæ salutis viam ingredi deliberavit, & supernâ vocatione illustratus, paulò post Ordini Seraphico inter Fratres Minores Capucinos adscribi petiit. *Resp* Honestum fecit, &c.

Lectio 5.

PLIÆ petitionis compos redditus, mundi, sui que contemptor insignis in ipso statim tyrocinio, magisque cum solemnis Professionis vota in gaudio Spiritûs Domini nuncupasset, in Regulari observantia omnibus admirationi fuit, & exemplo. Orationi maximè, & sacris litteris vacans, in verbi quoque ministerio singulari gratiâ excellens, nedum Catholicos ad meliorem frugem, verùm etiam Heterodoxos ad veritatis cognitionem attraxit. Pluribus in locis Cænobii Præfectus constitutus, prudentiâ, justitiâ, mansuetudine, discretione, & humilitatis laude, munus sibi demandatum exercuit. Arctissimæ paupertatis zelator egregius, quidquid vel minus necessarium videretur, e Cænobio penitus eliminavit. Inter austera jejunia, vigiliæ, & flagella, salutari seipsum prosequens odio, in alios amorem, quasi mater in filios ostendit. Cum pestifera febris Austriacas militares copias dire affligeret, ipse in extremis infirmorum indigentis ad assiduam

dua charitatis officia toto spiritu incubuit. In componendis etiam animorum diffidiis, aliisque proximi necessitatibus sublevandis, consilio et opere adeò præclare se gessit, ut Pater Patriæ meruerit appellari. *Resp* Desiderium animæ, &c.

Lectio 6.

DEIPARÆ Virginis, & Rosarii cultor eximius, illius præcipuè aliorumque Sanctorum patrociniiis a Deo postulavit, ut in Catholicæ Fidei obsequium, vitam sibi, & sanguinem fundere liceret. Cumque ardens hoc desiderium in quotidianâ Sacri devotâ celebratione magis accenderetur, mirâ Dei Providentiâ factum est ut fortis Christi Athleta Præses eligeretur illarum missionum, quas Congregatio de Popagandâ Fide pro Rhætia tunc temporis instituerat. Quod arduum munus, prompto hilarique animo suscipiens, tanto fervore executus est, ut pluribus Hæreticis ad Orthodoxam Fidem conversis, spes non modica effulserit totius illius gentis Ecclesiæ & Christo reconciliandæ. Prophetiæ dono præditus futuras Rhætiæ calamitates, sui que necem ab Hæreticis inferendam sæpius prædixit. Postquam verò insidiarum probè conscius, impendenti agoni se præparasset, die vigesimâ quartâ Aprilis anni millesimi sexcentissimi vigesimi secundi ad Ecclesiam loci, Sevissum nuncupati, se contulit, ubi ab Hæreticis, qui pridie conversionem simulantes, eum dolose ad prædicandum invitaverant, concione tumultuariè interruptâ, per verbera ac vulnera eidem crudeliter inflictâ gloriosam mortem magno & alacri animo perpeffus, primitias Martyrum me-

moratæ Congregationis proprio sanguine consecravit; pluribus signis, & miraculis exinde clarus, præsertim Curia, & Veldhirschii, ubi summâ populi veneratione illius Reliquiæ asservantur. *Resp.* Stola jucunditatis.

IN TERTIO NOCTURNO.

Homilia Sancti Augustini Episcopi in Evangelium Ego sum vitis vera & Pater meus agricola est. De communi Martyrum tempore Paschali primo loco.

Die 20 sed apud nos 22 OCTOBRIS

IN FESTO

S JOHANNIS CANTII

CONFESSORIS, SEMIDUPLEX.

Omnia de communi Confessoris non Pontificis præter sequentia.

AD 1 VESPERAS.

Hymnus.

GENTIS Polonæ Gloria

Clerique splendor nobilis

Decus Lycæi & Patriæ

Pater Johannes inclyte.

Legem superni Numinis

Doces Magister & facis

Nil scire prodest: sedulo

Legem nitamur exequi.

Apostolorum

Apostolorum limina

Pedes viator visitas

Ad Patriam quam tendimus

Gressus, viamque dirige

Urbem petis Jerusalem;

Signata sacro sanguine

Christi colis vestigia

Rigasque fufis fletibus.

Acerba Christi vulnera

Hærete nostris cordibus

Ut cogitemus consequi

Redemptionis pretium.

Te prona Mundi machina

Clemens adoret Trinitas

Et nos novi per gratiam

Novum canamus canticum. Amen.

Oratio.

DA quæsumus omnipotens Deus, ut Sancti
Johannis Confessoris exemplo in scientia
Sanctorum proficientes, atque aliis misericor-
diam exhibentes, ejus meritis indulgentium apud
te consequamur. Per Dominum, &c.

AD MATUTINUM

Hymnus.

CORPUS domas jejuniis

Cædis cruento verbere

Ut castra pænitentium

Miles sequaris innocens

Sequamur

Sequamur & nos sedulo
 Gressus parentis optimi;
 Sequamur, ut licentiam
 Carnis refrænet spiritus.

Rigente bruma, providum
 Præbes amictum pauperi
 Sitim famemque egentium
 Esca potuque sublevas

O qui negasti nemini
 Opem roganti, patrium
 Regnum tuere, postulant
 Cives Poloni & exteri

Sit laus Patri sit Filio
 Tibique Sancte Spiritus
 Preces Johannis impetrent
 Beata nobis gaudia. Amen.

Lectioes 1 Nocturni de Script occurrent.

Lectio 4.

JOHANNES in oppido Kenty Cracoviensis
 Diæcesis, a quo Cantii cognomen duxit,
 Stanislao et Anna piis et honestis parentibus
 natus, morum suavitate, innocentia, gravitate,
 ab ipsa infantia spem fecit maximæ virtutis. In
 Universitate Cracoviensi Philosophiæ ac Theo-
 logia primum auditor, tum per omnes Acade-
 miæ gradus ascendendo Professor ac Doctor;
 sacrâ quam annis multis tradidit Doctrinâ, men-
 tes audientium non illustrabat modo, sed et ad
 omnem pietatem inflammabat, simul docens sci-
 licet, & faciens. Sacerdos factus, nihil de lite-
 rarum studio remittens, studium auxit Christia-
 næ perfectionis. Utque passim offendi Deum
 maxime

maxime dolebat sic eum sibi et populo placare oblato quotidie, non sine multis lachrymis incruento Sacrificio satagebat. Ilkusiensem Parochiam annis aliquot egregie administravit, sed animarum periculo commotus postea dimisit, ac postulante Academiâ ad pristinum docendi officium rediit. *Resp.* Honestum fecit, &c.

Lectio 5.

QUIDQUID temporis ab studio supererat, partim saluti proximorum, sacris præsertim concionibus curandæ, partim orationi dabat, in quâ cælestibus quandoque visionibus, et colloquiis dignatus fertur. Christi vero passione sic afficiebatur ut in ea contemplanda totas interdum noctes duceret insomnes, ejusque causa melius recolendæ, Jerosolymam peregrinatus sit. ubi et Martyrii desiderio flagrans Turcis ipsis Christum crucifixum prædicare non dubitavit. Quater etiam ad Apostolorum limina pedes atque viariâ onustus sarcinâ Romam venit, tum ut sedem Apostolicam cui maxime addictus fuit, honoraret, tum ut sui, (sic enim agebat) purgatorii pænas expositâ illic quotidie peccatorum veniâ redimeret. Quo in itinere a latronibus olim spoliatus, et num quid haberet præterea interrogatus, quum negasset, aureos deinde aliquot suo insutos pallio recordatus, fugientibus hos etiam clamans obtulit latronibus, qui viri Sancti candorem simul et largitatem admirati, etiam ablatos ultro redidere; alienæ famæ ne quis detraheret descriptis Beati Augustini exemplo, in pariete versiculis, se, atque alios perpetuò voluit admonitos. Famelicos de suo etiam obsonio

obsonio satiabat. Nudos autem non emptis modo, sed detractis quoque sibi vestibus et calceis operiebat, demisso ipse interim usque ad terram pallio, ne domum nudipes redire videretur. *Resp.* Amavit eum, &c.

Lectio 6.

BREVIS illi somnus atque humi; vestis quæ nuditatem, cibus qui mortem dumtaxat arceret; virginalem pudicitiam velut lilium inter spinas, aspero cilicio flagellis atque jejuniis confodivit: quin et per annos ante obitum triginta circiter et quinque ab esu carnum perpetuo abstinuit. Tandem dierum juxta ac meritorum plenus quum vicinæ quam præsensit morti, se diu diligenterque præparasset, ne qua re amplius teneretur, si quid domi supererat id omnino pauperibus distribuit. Tum Ecclesiæ Sacramentis rite munitus, dissolvi jam cupiens & esse cum Christo, pridie Nativitatis ejus in cælum evolvit, miraculis ante, et post mortem, clarus. Mortuus ad proximam Academiæ Ecclesiam Sanctæ Annæ delatus est, ibique honorificè sepultus. Auclâque in dies populi veneratione ac frequentia inter primarios Poloniæ, ac Lithuanicæ Patronos religiosissimè colitur. Novisque coruscans miraculis a Clemente decimo tertio Pontifice Maximo decimo septimo Kalendas Augusti anno Domini millesimo septingentesimo sexagesimo septimo solemni ritu Sanctorum Fastis adscriptus est. *Resp.* Ille homo, &c.

IN TERTIO NOCTURNO.

*Lectioes de Homilia S Gregorii Papæ ut in
Communi Conf non Pont 1 loco.*

AD LAUDES

Hymnus ut in primis Vesperis,

AD SECUNDAS VESPERAS.

Hymnus.

TE deprecante corporum

Lues recedit, improbi

Morbi fugantur, pristina

Redant salutis munera

Phtisi, febrique & ulcere

Diram redactos ad necem

Sacratas morti victimas

Ejus rapis e faucibus.

Te deprecante tumido

Merces abactæ flumine

Tractæ Dei potentiâ

Sursum fluunt retrogradæ

Quum tanta possis, sedibus

Cæli locatus, poscimus

Responde votis supplicum

Et invocatus subveni.

O una semper Trinitas !

O Trina semper Unitas !

Da supplicante Cantio

Æterna nobis præmia. *Amen.*



